

Di peymanana Lozanê de mafê kêmneteweyan

Bend 38: Hukimeta Tirk, kesên ku ji neteweyeke din in û li Tirkîyê dijîn (nasyonâlîte), ferq naxe nav ziman, nijad an jî cudabûna wan a olî û ji parastina jiyana û azadiya wan berpîrs e. Her kesî ku li Tirkîyê dijî, ji aliyê ol, mezhep û baweriyê ve çî vekirî û çî taybetî bi awayekî serbestî û vekirî mafê wî /wê hene.

Bend 39: Hemwelatîyên Tirkîyê yên ku ne musulman in, ew jî wek heman hemwelatîyên musulman xwedî mafên hemwelatî(huqûqa medenî) ne û ji mafê polîtîk payedar in. Her kesî ku li Tirkîyê dijî, bêcudatiya olî li hember qanûnî wekhev in. Cudatiyên olî, bawerî an jî mezhebî ne li peş mafê hemwelatîyê asteng (mafên medenî) e, divê kelk ji mafê polîtîk were girtin û bi taybetî pêwîst de ku di kar û barê dewletê de, payedayîna an jî di karen curbe cur û pîşeyî de, di dibistanên de an jî di beşên îndustriyê de li pêşî xebata wan asteng tune bin.

Bend 40: Hemwelatîyên Tirkîyê yên ku kêmneteweyên ne musulman in, hem ji aliyê huqûqî û him jî ji aliyê pratîkî ve, maf, kirarî û garantiya ku ji bo hemwelatîyên tirk hene û tên kirin, divê ji bo wan jî ev maf, garantî hebin û sûd û kelk bîna wergerin. Kêmneteweyên ne musulman dikarin bi hatin û pereyên xwe her cureyên xêretxane û dezgehên veke, dem û dezgehên olî û civakî, her cureyê dibistan, dem û dezgehên perwerde û hîndekariyê damezrîn, birêve bibin, kontrol bikin, li cihên weha bi awayekî azad zimanê xwe bi kar binin û xwedî maf in ku bi awayekî serbest îbadetên xwe bikin.

Bend 41: Di mijara hînkirin û perwerdeya giştî de, hukimeta tirk pêwîst e ku ji bo hemwelatîyên xwe yên ne musulman li bajar û bajarokan ku lê dijîn ji wan re derfetên ku bi zmanê xwe bixwînin û hîn bibin pêk binin. Ev li dijberî perwerde û hîndekariya ku bi zimanê tirkî li dibistanan tê kirin ne asteng e. Kêmneteweyên

ne musulman yên ku li bajar û bajarokan dijîn, pêwîst e ku ji butçeya dewlet, belediye, dem û dezgehên xêrxwaz an jî butçeyên din, para wan a hînkirin û perwerde were beşkirin û dayîn.

Bend 42: Hukimeta tirk divê rewşa malbatên kêmneteweyên ne musulman, statuya wan, li ber çav bigre, ji bo xurtkirin û geşkirina edet û çanda wan hewl bide û xebat bike. Ji bo vê yekê, divê ji kêmneteweyan û ji hukimeta tirk komîsyoneke taybetî were damezrandin û hejmara endamên komîsyonê yên herdu aliyan wek hev bin. Heger lihevnekirin hebe, di navbera hukimeta tirk û huqûqvanên Cemiyeta Ewropayî de dê hakimekî were tayîn dikin. Hukimeta tirk ew kêmneteweyên ku navên wan derbas dibin, dêr, havra, goristan û hemû dem û dezgehên wan ên olî divê diparêze.

Bend 43: Kes nikare ji ber dîn an jî baweriyê zorê bide hemwelatîyên tirk yên ne musulman, dema ew di rojên tatîl û cejnan de beşdarî mehkeme û daîreyên fermî nebin, mafê wan yên qanûnî wenda nabin. Ev jî nayê vê wateyê ku ji bo asayîşa giştî ew ji hemwelatîyên tirk ên din bêtir xwedî hindek mafên taybetî ne.

Bend 44: Ev bendên jorîn her çiqas li Tirkîyê jî bo kêmneteweyên musulman bin jî, herweha bar û berpîrsiyariyên navnetewî tîne holê û garantiya Cemiyeta Navnetewî qebûl dike. Ev bend û prensîp heta ji aliyê piraniya Cemiyeta Navnetewî ve nehêne guhertin, kes nikare biguhere. Hukimetên Împaratoriya Brîtanya, Fransa, Îtalya û Japonya, Meclîsa Cemiyeta Navnetewî heger bi piraniya denga guhetinê di cih de bibîne, wê demê peymanê qebûl dikin.

Bend 45: Ev bendên ku ji bo mafên kêmneteweyên ne musulman li Tirkîyê hatine danîn û mafên ku ji bo wan hatine pejrandin, herweha ji bo musulmanên li Yunanistanê jî derbas dibin.

Wergera ji tirkî: Amed Tîgrîs